



***PROCESO DE SELECCIÓN DE PERSOAL
ASOCIACIÓN GRUPO DE DESENVOLVEMENTO RURAL VALDEORRAS
GDR7***



XUNTA DE GALICIA
CONSELLERÍA DO MEDIO RURAL



GOBIERNO
DE ESPAÑA
MINISTERIO
DE AGRICULTURA, PESCA
Y ALIMENTACIÓN



Fondo Europeo Agrícola
de Desenvolvemento Rural:
Europa inviste no rural



agader
AXENCIA GALEGA DE
DESENVOLVEMENTO RURAL

¹
galicia
o bo camiño



I.- ANTECEDENTES

A Asociación Grupo de Desenvolvemento Rural Valdeorras concorreu á convocatoria de AGADER, para selección de Grupos de Desenvolvemento Rural como entidades colaboradoras na xestión do Programa LEADER de Galicia 2014 - 2020¹.

Neste contexto a Asociación (e a estratexia de desenvolvemento local participativo por esta exposta) foi seleccionada como GDR, concretamente como GDR 7, e por tanto como entidade colaboradora de Agader na xestión da medida Leader Galicia 2014-2020.

A Asociación Grupo de Desenvolvemento Rural Valdeorras por acordo de Xunta Directiva, de data 12 de decembro de 2018, dispuxo convocar un proceso de selección **para a** contratación dun técnico, en relación á xestión e aplicación do Programa de Desenvolvemento Local participativo, deste GDR.

O proceso garantirá os principios de igualdade, mérito e capacidade, publicidade e concorrencia, aplicando un sistema de valoración imparcial, para o que se procederá á contratación dunha entidade experta e independente que leve a cabo o proceso

Neste marco, publícanse as presentes bases reguladoras, que foron redactadas tendo en conta a instrución nº 1/2016, do 26 de Agosto de 2016, sobre o procedemento de selección do equipo xestor dos Grupos de Desenvolvemento Rural (GDR) da Medida LEADER do PDR de Galicia 2014-2020.

II.- BASES REGULADORAS

BASE 1.- OBXECTO DA CONVOCATORIA

O posto de traballo, obxecto deste proceso é o de TÉCNICO, vinculado á execución do Programa LEADER pola Asociación Grupo de Desenvolvemento Rural Valdeorras.

BASE 2: DESCRIPCIÓN DO POSTO, REQUISITOS E FUNCIÓNS.

CARACTERÍSTICAS DO POSTO DE TRABAJO

- Tempo completo e dedicación exclusiva.
- Horario: a convir..
- Retribución: a retribución salarial será como máximo aquela que establece AGADER para esta categoría..
- Duración: contrato por obra ou servizo determinado.
- Período de proba: 1 mes.
- Centro de Traballo: Sede ou sedesda Asociación.
- Necesaria dispoñibilidade para realizar desprazamentos.

¹ RESOLUCIÓN do 11 de febreiro de 2016 pola que se publica o Acordo do 10 de febreiro de 2016 polo que se aproban as bases reguladoras para a selección de estratexias de desenvolvemento local, para a selección e recoñecemento dos grupos de desenvolvemento rural como entidades colaboradoras na xestión da medida Leader de Galicia e para a concesión da axuda preparatoria, cofinanciada co Fondo Europeo Agrícola de Desenvolvemento Rural (Feader) no marco do PDR de Galicia 2014-2020, e convócase o correspondente proceso de selección.



REQUISITOS:

- *Posuír a nacionalidade Española, a dun Estado membro da Unión Europea ou dalgún estado no que, en virtude de tratados internacionais celebrados pola U.E e ratificados por España, sexa de aplicación a libre circulación de traballadores.*
- *Ser maior de 18 anos e non alcanzar a idade de xubilación.*
- *Estar en posesión do permiso de conducir B e dispoñer de vehículo propio para realizar desprazamentos.*
- *Non padecer enfermidades ou defectos físicos que lle impidan o normal desenvolvemento das funcións correspondentes ao posto de traballo.*
- *Non estar incurso en causas de incapacidade, segundo a lexislación vixente.*
- *Non ser separado definitivamente, mediante expediente disciplinario, do servizo, en calquera das Administracións Públicas, nin estar inhabilitado para o exercicio da función pública. Os aspirantes, cuxa nacionalidade non sexa a española deberán acreditar igualmente, non estar sometidos a sanción disciplinaria ou condena penal que impida, no seu Estado, o acceso á función pública.*
- *Titulación mínima requirida: Diplomatura Universitaria/ Enxeñería Técnica.*

COÑECEMENTOS COMPLEMENTARIOS

Valorarase a formación complementaria nas seguintes áreas, tendo en conta que unicamente será puntuable, a formación acreditada por algún organismo público oficial ou por algunha entidade de natureza privada que conte con recoñecemento da Administración para impartir formación

- *Formación en aplicacións informáticas e tratamento de imaxes e deseño gráfico.*
- *Coñecemento da lingua galega.*

Ademais valorarase lle experiencia laboral en programas de desenvolvemento local participativo baixo metodoloxía LEADER.

FUNCIÓNS A REALIZAR:

- *Información e asesoramento técnico a emprendedores e empresas.*
- *Elaboración de informes técnicos e preparación de documentación relacionada cos expedientes do programa.*
- *Animación para o nacemento de iniciativas e proxectos enmarcados no Programa.*
- *Dinamización de colectivos para a posta en marcha de proxectos.*
- *Impulsar o desenvolvemento de accións relativas á execución de proxectos complementarios ao LEADER.*
- *Asistencia a xornadas de formación e información, relacionadas coa execución dos programas.*
- *Traballo coordinado cos órganos de participación establecidos polo GDR para a poboación do territorio.*
- *Preparación e participación en reunións informativas sobre as características e requisitos esixidos polo programa.*
- *Preparación de reunións para colectivos determinados e con axentes dinamizadores do programa de desenvolvemento no territorio.*
- *Sensibilización e dinamización de promotores para a formulación de proxectos innovadores.*





- *Desenvolvemento e participación nos proxectos de cooperación promovidos ou nos que participe o GDR no ámbito do LEADER ou complementarios ao mesmo.*
- *Asistencia ás reunións de traballo no marco dos proxectos de cooperación.*
- *Organización, participación e asistencia a feiras de promoción.*
- *Calquera outra que lle sexa encomendada polos órganos de decisión da Asociación, así como os inherentes ao Programa LEADER, que sexan sinalados pola Axencia Galega de Desenvolvemento Rural (AGADER).*

BASE 3: PUBLICIDADE DA CONVOCATORIA

A oferta de contratación divulgarase polos seguintes medios:

- Publicación do anuncio da oferta no xornal de maior tirada a nivel provincial.*
- Envío do anuncio da convocatoria, para a súa difusión a os concellos do ámbito de actuación da Asociación: O Barco de Valdeorras, O Bolo, Carballada de Valdeorras, Larouco, Petín, A Rúa, Rubiá, A Veiga e Vilamartín de Valdeorras.*
- Publicación na páxina web da Asociación Grupo de Desenvolvemento Rural Valdeorras: <https://gdr7valdeorras.gal/es>*
- Publicación na páxina web de AGADER: <http://agader.xunta.gal>*

En todos os lugares onde se publique a oferta ou anuncio de contratación farase constar onde se poderán descargar as bases da convocatoria.

BASE 4: SOLICITUDES

PRESENTACIÓN DE SOLICITUDES

As solicitudes, dirixidas á Asociación Grupo de Desenvolvemento Rural Valdeorras: Casa Grande de Viloiira, Praza Ramón Otero Pedraio, 11 - 32315 Viloiira - O Barco (Ourense), presentaranse por correo postal certificado, dirixidas á atención da Comisión de Selección da Asociación Grupo de Desenvolvemento Rural Valdeorras identificando no sobre o posto de traballo ao que se opta: TÉCNICO

O aspirante, deberá xustificar a súa remisión enviando notificación, xunto coa solicitude (ANEXO 1) e DNI, ao correo electrónico: gdr7valdeorras@gmail.com, antes das 24 horas do último día en que finaliza o prazo de presentación.

Para os efectos de cómputo do prazo para presentar a solicitude e admisión, tomarase como data a que conste no selo do certificado de correos.

PRAZO

O prazo para a presentación da solicitude e documentación acreditativa, iniciárase ao día seguinte ao da publicación do anuncio en prensa (ver punto a de a base 3), e permanecerá aberto un período de 15 días naturais.

DOCUMENTACIÓN

A solicitude debe presentarse no formato do anexo I e debe acompañarse da seguinte documentación:

- *Copia do D.N.I.*



XUNTA DE GALICIA
CONSELLERÍA DO MEDIO RURAL



GOBIERNO DE ESPAÑA
MINISTERIO DE AGRICULTURA, PESCA Y ALIMENTACIÓN



Fondo Europeo Agrícola
de Desenvolvemento Rural:
Europa inviste no rural



AXENCIA GALEGA DE
DESENVOLVEMENTO RURAL

galicia
o bo camiño



- Currículo vitae, en formato EUROPASS.
Para aqueles aspirantes que o precisen o formato pódese descargar no sitio web de EUROPASS <https://europass.cedefop.europa.eu/é>
- Copia do documento oficial acreditativo de estar en posesión da titulación requirida para o posto.
- Copia dos certificados acreditativos da formación complementaria.
- Informe de vida laboral, para a acreditación da experiencia profesional.
- Certificados de empresa, para a acreditación de todos os coñecementos, no que se mencionen expresamente os méritos que queiran alegarse para a fase de valoración.

BASE 5.- ADMISIÓN DOS ASPIRANTES

Esgotado o prazo de admisión da solicitudes, procederase á comprobación da documentación presentada e á elaboración da unha lista provisional de aspirantes na que se indicará tamén a relación das persoas excluídas e a causa da súa exclusión.

Esta lista publicárase na páxina web da Asociación, e na de AGADER.

Dado o tempo necesario para a comprobación da documentación, estímase, que a lista provisional de aspirantes, publicárase en 10 días naturais desde a data de finalización do prazo para presentación de solicitudes.

PRAZO PARA CORRECCIÓN DE DEFECTOS

En caso de exclusión e de ser esta emendable, os aspirantes excluídos poderán presentar a documentación complementaria, por correo certificado, dirixido á sede da Asociación Grupo de Desenvolvemento Rural Valdeorras, no prazo de 5 días naturais, contados desde o seguinte ao da publicación da lista provisional de aspirantes, a fin de poder emendar o defecto que motiva a exclusión.

Transcorrido este período procederase á confección dunha Lista Definitiva coa relación dos aspirantes admitidos, que será exposta, a efectos de publicidade, na páxina web da Asociación, e na de AGADER.

Así mesmo, coa publicación da lista Definitiva indicárase tamén a data e lugar de realización da proba escrita, que non será antes do transcurso de 72 horas desde a devandita publicación.

BASE 6.- COMISIÓN DE SELECCIÓN

A entidade encargada da realización do proceso de selección, realizará as probas e valoracións deste procedemento e emitirá un informe, de cada unha das fases do proceso, coa proposta que resulte.

Así mesmo, no seu momento, emitirá un informe final, coa proposta de resolución do proceso, que deberá ser referendado pola COMISIÓN DE SELECCIÓN DA ASOCIACIÓN GRUPO DE DESENVOLVEMENTO RURAL VALDEORRAS.

Ademais, a Comisión de Selección, será a encargada de valorar e resolver as alegacións que poidan presentarse durante o proceso.

A Comisión de selección estará constituída por tres representantes da Asociación Grupo de Desenvolvemento Rural Valdeorras: Presidenta, Dona Mari Carmen González Quintela, Secretario, Luís Fernández Gudiña e Vocal, Javier Rodríguez Parádelo.





Así mesmo poderá formar parte da Comisión, con voz pero sen voto, un representante de AGADER.

BASE 7.- PROCEDEMENTO DE SELECCIÓN

O procedemento constará de tres partes:

1. *Proba escrita: 50% da puntuación do proceso selectivo. 10 puntos. Esta proba é eliminatoria, polo que só pasasen á seguinte fase os aspirantes que a superen.*
2. *Entrevista persoal: 25% da puntuación do proceso selectivo. 5 puntos*
3. *Valoración de méritos: 25% da puntuación do proceso selectivo. 5 puntos*

PROBA ESCRITA

Constará de dous exercicios

1. *Primeiro exercicio tipo test, que supoñerá o 50% da puntuación total da proba escrita e será eliminatorio, sendo necesario para seguir corrixido a proba a obtención de 25 puntos mínimo.*
2. *Segundo exercicio en forma de Preguntas abertas que supoñerá un 50% do total da puntuación da proba escrita.*

TEMARIO

1. *Estrutura económica e social do territorio da Asociación Grupo de Desenvolvemento Rural Valdeorras.*
2. *Aspectos xeográficos do territorio. Patrimonio natural e cultural.*
3. *Planificación estratéxica en desenvolvemento rural.*
4. *Evolución e xestión do desenvolvemento rural en Galicia.*
5. *A Axencia Galega de Desenvolvemento Rural (AGADER).*
6. *PDR de Galicia (Decisión da Comisión Europea C (2015) 8144, do 18 de novembro, aprobatoria do PDR de Galicia 2014-2020.*
7. *Resolución do 11 de febreiro de 2016 pola que se publica o Acordo do 10 de febreiro de 2016 polo que se aproban as bases reguladoras para a selección de estratexias de desenvolvemento local, para a selección e recoñecemento dos grupos de desenvolvemento rural como entidades colaboradoras na xestión da medida Leader de Galicia e para a concesión da axuda preparatoria, cofinanciada co Fondo Europeo Agrícola de Desenvolvemento Rural (Feader) no marco do PDR de Galicia 2014-2020, e convócase o correspondente proceso de selección.*
8. *Coñecemento e práctica da tramitación de subvencións Leader.*
9. *Lei 5/2016, do 4 de maio, do patrimonio cultural de Galicia.*
10. *Decreto 37/2014, do 27 de marzo, polo que se declaran zonas especiais de conservación os lugares de importancia comunitaria de Galicia e apróbase o Plan director da Rede Natura 2000 de Galicia.*
11. *Lei 7/2011, do 27 de outubro, do turismo de Galicia.*
12. *Lei orgánica 15/1999, do 7 de decembro, de protección de datos de carácter persoal.*
13. *Lei 9/2017, do 19 de decembro, do emprendemento e da competitividade económica de Galicia.*
14. *Lei 9/2007, do 7 de xuño, de subvencións de Galicia.*
15. *Lei 39/2015 do 1 de outubro, do procedemento administrativo común das Administracións Públicas.*





16. *O asociacionismo. Concepto, características e normativa que o regula.*
17. *Normativa Comunitaria de Aplicación:*
- Reglamento (UE) 1303/2013, do Parlamento Europeo e do Consello, 17 de decembro.*
 - Reglamento (UE) 1305/2013 do Parlamento Europeo e do Consello. do 17 de decembro.*
 - Reglamento (UE) nº 1306/2013 do Parlamento Europeo e do Consello, do 17 de decembro.*
 - Reglamento delegado (UE) nº 807/2014 da Comisión, do 11 de marzo, que completa o Regulamento (UE) nº 705/207 do Parlamento Europeo e do Consello.*
 - Reglamento de execución (UE) nº 808/2014 da Comisión, do 17 de xullo.*
 - Reglamento de execución (UE) nº 809/2014 da Comisión, do 17 de xullo.*

Unha vez realizada a proba escrita e no prazo máximo de 7 días naturais publicárase, na web da Asociación de Grupo de Desenvolvemento Rural Valdeorras e na de AGADER:

- As puntuacións obtidas polos participantes.*
- A data de inicio da seguinte fase.*
- As persoas citadas para a primeira entrevista así como, o calendario de días previstos para as consecutivas entrevistas e persoas convocadas para cada día.*

ENTREVISTA PERSOAL

Os aspirantes que pola puntuación obtida houberen superado a Fase anterior, pasarán a realizar unha entrevista persoal, dunha duración aproximada de 15-20 minutos por candidato.

A entrevista terá como finalidade principal comprobar a idoneidade dos aspirantes e a capacidade e disposición dos mesmos para o desenvolvemento dos postos e tarefas aos que opten.

A entrevista persoal supoñerá un 25 % da cualificación final no proceso.

Finalizadas as entrevistas de todos os candidatos para cada un dos postos ofertados, publicarase unha listaxe coas puntuacións obtidas na páxina web da Asociación e na de AGADER.

VALORACIÓN DOS MÉRITOS ACREDITADOS

Finalizada a última entrevista e publicadas as puntuacións obtidas nesta fase, levará a cabo o estudo e comprobación dos curriculum vitae cos méritos acreditados, para o que se establece un período de 7 días naturais.

Para o efecto, valorárase toda a documentación achegada, segundo os criterios establecidos nas presentes bases, aplicando os baremos previstos nas mesmas.

Hai que sinalar, que nos méritos que se acrediten en formación, unicamente será puntuable, a impartida por algún organismo público oficial ou por algunha entidade de natureza privada que conte con recoñecemento da Administración para impartir formación.

O baremo aplicable á valoración dos méritos supoñerá un 25 % da cualificación final no proceso.

Os méritos puntuaranse, segundo a seguinte táboa:





A – Formación académica.	Máx 0,4pts
Formación universitaria en Ciencias Empresariales ou equivalente 0,4 puntos	
B – Formación Complementaria	Máx. 0,8 pts
Formación específica en aplicacións informáticas. 0,1 puntos / cada 20 horas acreditadas por unha Universidade, Institución Pública, Colexio Profesional ou centros de formación acreditados.	
Formación específica en tratamento de imaxes e deseño gráfico. 0,1 puntos / cada 20 horas acreditadas por unha Universidade, Institución Pública, Colexio Profesional ou centros de formación acreditados.	
C – Formación específica vinculada a coñecementos administrativos.	Máx 0,4 pts
Certificado de Lingua Galega. CELGA 4 /0,4 puntos	
D – Experiencia profesional.	Máx 3,4 pts
Experiencia laboral en entidades xestoras de xestión de programas de desenvolvemento local participativo. 0,50 puntos/ano. (0,042 pts/mes) Máximo 3 puntos	
Experiencia laboral noutras entidades xestoras de fondos públicos 0,25 puntos/ano. (0,021 pts/mes) Máximo 1,4 puntos	
Total	Máx 5 pts
Suma A + B + C + D	





Transcorrido o prazo de 7 días naturais, para realizar o estudo e comprobación dos curriculum vitae e aplicación de baremos aos méritos acreditados, publicarase a listaxe das puntuacións outorgadas aos candidatos.

Dado que esta fase é a última do proceso, na mesma data publicaranse todas as puntuacións obtidas polos candidatos en cada fase, e as puntuacións FINAIS, que serán o resultado da suma de todas as puntuacións.

As puntuacións finais e a desagregación das obtidas publicaranse na páxina web da Asociación <https://gdr7valdeorras.gal/ese> na de AGADER. <http://agader.xunta.gal>

BASE 8- CLASIFICACIÓN DEFINITIVA E CONTRATACIÓN

Aquel aspirante que obtivese a maior puntuación TOTAL, accederá directamente ao posto, os dous aspirantes seguintes en puntuación obterán unha “reserva de praza” constituíndo unha lista de espera, para o caso de que a persoa seleccionada en primeiro lugar, renuncie á praza ou non supere o período de proba.

Esta lista de espera utilizarase para cubrir as vacantes que se produzan unha vez iniciado o período de contratación.

O Comité de Selección ten facultade para declarar o proceso deserto, de non alcanzar ningún dos aspirantes, os requisitos mínimos establecidos

BASE 9.- ALEGACIONES, IMPUGNACIONES E INCIDENCIAS

A convocatoria, as súas bases e as fases do proceso de selección, poderán ser impugnadas polos interesados presentando recurso ou alegacións, por escrito, á Comisión de Selección da Asociación Grupo de Desenvolvemento Rural Valdeorras.

Devanditos escritos remitiranse, por correo postal certificado, dirixido á atención da Comisión de Selección da Asociación Grupo de Desenvolvemento Rural Valdeorras, citando no sobre: “ALEGACIONES AO PROCESO DE SELECCIÓN DE TÉCNICO”, á sede da Asociación: Casa Grande de Viloiro, Praza Ramón Otero Pedraio, 11 - 32315 Viloiro - O Barco (Ourense). No caso de que algún candidato quixese impugnar algunha das fases do proceso, poderá expor Alegacións ante a Comisión de Selección no prazo de 3 días naturais desde a data en que se dea publicidade á lista de aspirantes que pase á fase seguinte, debendo resolver a comisión no prazo de dez días. No caso, de que revisada a impugnación, o candidato supere a fase impugnada, engadirase a lista de persoas seleccionadas; o que será publicado para todos os efectos nos mesmos medios nos que se publican as listas. Se se quixese impugnar todo o proceso, o prazo será de 3 días naturais desde a publicación do anuncio da convocatoria e oferta de contratación.

A Comisión de Selección queda facultada para resolver cantas incidencias preséntense no desenvolvemento do proceso de selección e ata a proposta de contratación, así como de resolver o conveniente para a boa orde do proceso selectivo. Contra as resolucións da Comisión de Selección, o interesado poderá presentar alegacións ante AGADER.

Viloiro - O Barco, ade 2018





ANEXO I
Modelo "INSTANCIA SOLICITUDE"

D/Dona....., con Documento Nacional de Identidade númeroe domicilio en, CPC/....., nº.....
Teléfono Fijo.....móvil.....

EXPÓN:

1º Que tivo coñecemento mediante o anuncio publicado en, de data, da convocatoria realizada pola Asociación Grupo de Desenvolvemento Rural Valdeorras, para a contratación de persoal do posto de traballo de TÉCNICO, no marco do desenvolvemento e execución do Programa LEADER 2014 -2020, e está interesado en participar no proceso de selección.

2º Que coñece e acepta as Bases do proceso de Selección para a contratación de persoal para a execución do Programa LEADER pola Asociación Grupo de Desenvolvemento Rural Valdeorras.

3º Que reúne os requisitos mínimos establecidos na convocatoria, en concreto, na BASE 2: DESCRIPCIÓN DOS POSTOS, REQUISITOS E FUNCIONS.

4º Que adxunta á presente instancia a documentación que se indica na folla anexa.

Polo que SOLICITA

Que se teña por presentada a presente instancia xunto cos documentos que a acompañan e admítase, ao obxecto de participar nas probas de selección convocadas para cubrir a praza de TÉCNICO.

Lugar, data e Firma do solicitante:

A/A Presidente da ASOCIACIÓN GRUPO DE DESENVOLVEMENTO RURAL VALDEORRAS
Casa Grande de Viloira, Praza Ramón Otero Pedraio, 11 - 32315 Viloira - O Barco (Ourense)



XUNTA DE GALICIA
CONSELLERÍA DO MEDIO RURAL



GOBIERNO DE ESPAÑA
MINISTERIO DE AGRICULTURA, PESCA Y ALIMENTACIÓN



Fondo Europeo Agrícola de Desenvolvemento Rural:
Europa inviste no rural



agader
AGENCIA GALEGA DE DESENVOLVEMENTO RURAL

10
galicia
o bo camiño



ANEXO Á SOLICITUDE: DOCUMENTACIÓN QUE SE ACOMPAÑA

(Sinalar cunha X)

- ☐.- Copia do D.N.I.
- ☐.- Currículo vitae, en formato EUROPASS.
- ☐.- Copia do documento oficial acreditativo de estar en posesión da titulación requirida para o posto.
- ☐.- Copia dos certificados acreditativos da formación complementaria.
- ☐.- Informe de vida laboral, para a acreditación da experiencia profesional.
- ☐.- Certificados de empresa, para a acreditación de todos os coñecementos, no que se mencionen expresamente os méritos que queiran alegarse para a fase de valoración.
- ☐.- Outros (especificar).

Notas aclaratorias

**** A efectos comprobatorios, poderá requirirse documentación orixinal para a súa compulsa antes da contratación.**

**** Non se valorarán os méritos non acreditados convenientemente.**



XUNTA DE GALICIA
CONSELLERÍA DO MEDIO RURAL



GOBIERNO DE ESPAÑA
MINISTERIO DE AGRICULTURA, PESCA Y ALIMENTACIÓN



Fondo Europeo Agrícola
de Desenvolvemento Rural:
Europa inviste no rural



agader
AXENCIA GALEGA DE
DESENVOLVEMENTO RURAL

11
galicia
o bo camiño